



Broj predmeta: 02-000033/21  
Broj akta: 01.1-1413EK-069/21  
Datum, 23. 4. 2021. godine  
Mjesto, Brčko

Na osnovu člana 18. tačke o), člana 19. tačke a), članovima 35. i 37. stava (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, komandant Štaba, gradonačelnik Brčko distrikta BiH dana 23. 4. 2021. godine i z d a j e

## N A R E D B U

### Član 1.

- (1) Zabranjuje se kretanje osobama na području Brčko distrikta Bosne i Hercegovine u narednih 15 (petnaest) dana u vremenskom periodu od 23.00 do 05.00 sati.
- (2) Dozvoljava se tokom trajanja zabrane kretanja rad dežurnih apoteka, benzinskih stanica samo u dijelu koji se bavi točenjem goriva, rad privrednih subjekata koji se bave proizvodnjom.
- (3) Odredbe stava (1) ovog člana ne primjenjuju se na zaposlene koji vrše službene dužnosti ili su uključeni u provođenje mjera i aktivnosti u vezi s proglašenjem stanja prirodne nesreće zbog korona virusa, kao i zaposleni u pravnim licima u kojima se radi kontinuiteta proizvodnje rad odvija u smjenama.
- (4) Za provođenje ove naredbe zadužuje se Policija Brčko distrikta Bosne i Hercegovine.
- (5) Prema osobama koje se ponašaju suprotno od člana 1. stava (1) ove naredbe Policija Brčko distrikta Bosne i Hercegovine postupa u skladu sa Zakonom o javnom redu i miru Brčko distrikta BiH.

### Član 2.

Nalaže se obavezno nošenje zaštitne maske (prekrivena usta, nos i brada) u zatvorenim prostorima, a na otvorenom prostoru u grupi od dva ili više lica i da održavaju fizičku distancu od 2 metra, osim članova užeg domaćinstva.

### Član 3.

- (1) Ograničava se rad svim privrednim subjektima na području Brčko distrikta Bosne i Hercegovine, osim privrednim subjektima iz člana 1. stav (2) i (3) ove naredbe do 21.00 sat.

- (2) Od stava (1) ovog člana izuzimaju se apoteke na teritoriji Brčko distrikta BiH kojima se dozvoljava rad do 22.00 sata.
- (3) Dozvoljava se do 22.00 sata šalterska prodaja pekarama na teritoriji Brčko distrikta Bosne i Hercegovine.
- (4) Dozvoljava se do 22.00 sata dostava hrane ugostiteljskim objektima na teritoriji Brčko distrikta BiH.
- (5) Radno vrijeme privrednih subjekata koji se bave proizvodnjom, u dijelu prometa krajnjim kupcima ograničava se do 21.00 sat.
- (6) Dozvoljavaju se rekreativne aktivnosti koje se obavljaju u zatvorenom prostoru do 21.00 sat.
- (7) Zabranjeno je svako organizovano okupljanje s muzikom uživo, di-džejevima i slično.
- (8) Zadužuje se Ured gradonačelnika Brčko distrikta Bosne i Hercegovine – Inspektorat i Policija Brčko distrikta BiH da u skladu u svojim nadležnostima vrše pojačanu kontrolu poštovanja mjera i naredbi Štaba za zaštitu i spašavanje Brčko distrikta Bosne i Hercegovine u ugostiteljskim objektima, broj predmeta: 02-000049/20, broj akta: 01.1141SM-213/20 od 11. 5. 2020. godine, kao i kontrolu poštovanja svih preporuka u skladu s vrstom djelatnosti, koje nisu u suprotnosti s ovom naredbom, a sve s ciljem sprečavanja širenja zaraze korona virusa – COVID-19, te ukoliko se utvrdi nepoštovanje epidemioloških mjera u ugostiteljskom objektu istom onemogućiti daljnji rad do kraja radnog vremena tog radnog dana.

#### Član 4.

Ovom naredbom stavlja se van snage:

1. Naredba broj predmeta: 02-000033/21, broj akta: 01.1-1413EK-058/21 od 16. 4. 2021. godine.

#### Član 5.

Ova naredba stupa na snagu danom donošenja i objavit će se u „Službenom glasniku Brčko distrikta Bosne i Hercegovine“.

#### DOSTAVITI:

1. Uredu gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Svim odjeljenjima Vlade (12x),
5. Kriznom štabu u zdravstvu Brčko distrikta BiH,
6. Uredu gradonačelnika / Inspektorat,
7. Sekretarijatu Vlade (3x),
8. Policiji Brčko distrikta BiH,
9. Članovima Štaba (34x),
10. Institucijama Brčko distrikta BiH (8x),
11. Javnim preduzećima, fondovima i Zavodu (7x),
12. Sektoru za informisanje,
13. „Službenom glasniku Brčko distrikta BiH“,
14. Arhivi.

GRADONAČELNIK

Esed Kadrić

